



Velu menunjukkan kemahirannya menghasilkan seni kaligrafi Tamil.



Penguasaan Velu dalam seni kaligrafi Tamil mencatat pencapaian membanggakan.

**Fakta
nombor**

**Kaligrafi Tamil
bertema
'Nilai Murni'**

100,000 SETEM
bernilai 70 sen

Pensyarah mahir seni kaligrafi Tamil

**Oleh Faizatul Farhana
Farush Khan**
ffarhana@bh.com.my

► Kuala Lumpur

Kemahiran pensyarah Universiti Putra Malaysia (UPM), Velu Perumal, melakar kaligrafi Tamil mencatat pencapaian tersendiri apabila dua hasil

seninya itu pernah diabadikan pada setem dan sampul surat hari pertama oleh Pos Malaysia Berhad.

Karya pensyarah Jabatan Reka Bentuk Perindustrian, Fakulti Reka Bentuk dan Seni Bina itu yang bertema 'Nilai Murni' dicetak pada setem bernilai 70 sen, manakala kaligrafi ucapan perayaan Deepavali menghiasi setem 80 sen.

Bagi kaligrafi bertema 'Nilai Murni', Velu berkata, imej pelepah kelapa digunakan sebagai merai persamaan dalam kepelbagaian budaya di negara ini.

"Saya mengambil masa lebih sebulan untuk menghasilkan kaligrafi ini," katanya.

Beliau berkata, kaligrafi ucapan perayaan Deepavali pula berasaskan

tradisi lukisan lantai (kolum) yang proses keseluruhan disiapkan dalam tempoh dua minggu.

Bina keyakinan

Selain kaligrafi Tamil, Velu juga mampu menghasilkan seni penulisan sama dalam Rumi dan Jawi yang dipelajari sejak kecil berikutan minat mendalam terhadap keunikan karya yang

indah serta bernilai itu.

"Minat saya terhadap seni kaligrafi bermula ketika berada di bangku Sekolah Kebangsaan (SK) Sungai Manggis, Selangor. Bakat dan kecenderungan saya itu disedari guru lukisan, Zamrud Said (kini arwah) yang membantu mengembangkan kemahiran dimiliki.

"Beliau banyak membina keyakinan saya untuk ber-

karya melalui tunjuk ajar dalam kaligrafi Rumi dan Jawi, selain memberi peluang menyertai pertandingan lukisan pada peringkat daerah serta negeri," katanya.

Beliau berkata, seni kaligrafi meliputi Jawi, Cina dan Tamil perlu terus dipelihara serta diperkembangkan agar tidak pupus ditelan peredaran zaman.